

Rome, November 25, 2021

«KIRAP NA GIVIM LAIT GO AUT, MONTFORT LONG ASIA NA OCENIA» Yia Bilong Asia-Oceania, 2022

Dia ol pren na wanwok bilong Montfortians,

Yia bilong ol ples insait long Afica na Madagascar ino pinis yet. Taim ol lida I I visitim dispela ol ples, ol I bin lukim na pilim tru bikpela amamas long wok misen na laip bilong ol monfortian. Long pasin bilong wok bung wantaim long taim bilong lotu na singsing, danis, amamas na paitim han wantaim I soim tru olsem Bikpela em I stap wantaim ol. Long taim ol I welkamim mipela, na long lo kibung bilong mipela wantaim kankain manmeri, mipela I pilim tru bikpela amamas na moa yet tu, ol lain mipela I bung wantaim long dispela kibung, ol tu I pilim bikpela amamas long wokabout wantaim wanpela narapela wantaim stretpela tingting long dispela taim we planti kankain salense I stap.

Wantaim dispela bikpela amamas long lewa bilong mipela wantaim ol pipel long Africa na Madagascar, **nau yumi olgeta Monfortian I mas tanim na lukluk go long ol Morfortian long Asia-Ocena**. Insait long dispela tupela bikpela eria, dispela liklik lain bilong Maria igat po pela (4pela) ples: **India, Indonesia, PNG and Philippines**.

OL MEMBA INSAIT LONG ASIA-OCENIA

Maski sapos India na Indonesia em I tupela bikpela grup insait long dispela kampani, tasol taim yumi skelim ol wantaim ol arapela Kongregasen, bai yumi lukim olsem ol arapela grup I bikpela moa. Taim yumi tok liklik, em yumi toktok long namba biong ol memba na wok aposel bilong ol insait long dispela ples. Taim dispela samting I save stap, oltaim yumi ol Monfortians I save mekim tok bilong kirapim na strongim wanpela narapela long ol dispela ples. «Jisas I tok moa olsem, “Yupela liklik lain sipsip, yupela ino ken pret. Papa bilong yupela I tok pinis long em bai stap king bilong yupela, na givim kingdom bilong en long yupela” (Luk 12: 32). Noken pret, tasol yumi ol manmeri ino inap aburusim dispela samting» (Pas I kam long ol kampani bilong Maria,1)

Ripot I soim olsem long dispela taim bilong mekim dispela leta, **India** I gat 65 pela pris, 2 pela bisops, 35 pela I stap long skul, 4pela Novices na 4pela Pre-novices. **Indonesia** igat 71 pela pris, 1 pela bruder I mekim laspela promise bilong em pins , 2 pela long skul na I redi long mekim laspela promis bilong ol, 66 pela I stap long skul wantaim promis bilong ol, 4 pela bruder wantaim promis bilong ol, 15 pela novices and 16 pela postulants. **PNG** igat 12 pela pris, 1 pela bisop na 1 pela bruder wantaim laspela promise bilong em. Long mekim klia liklik long dispela hap ples em I olsem, long PNG, olgeta misenari I kam long arepela kantri olsem: 5pela kam long India, 7pela kam long Indonesia, 1pela kam long Philippines na 1pela long Madagascar. Nau long dispela taim, ol I gat 5pela postulants,

3pela wantaim promis na ol I skul, 2pela bilong dispela lain I bin kam long ples French-speaking African. **Philippines** igat 18 pela pris, wanpela bruder mekim pinis las promis bilong em, 2pela I skul wantaim las promis bilong ol na 5pela I skul wantaim promis bilong ol. Yumi inap tok olsem wantaim dispela namba bilong ol yangpela man, em I soim gutpela piksa. Dispela I givim hop long Kongregasen.

Ol laspela ripot tu I soim olsem 17pela Misenari bilong India I wok autsait long kantri bilong ol, na tupela nau redi long go long Germany. Igat 15pela Indonesia husait I wok autsait tu long kantri bilong ol na 3pela I redi tu long go aut. Wanpela long Portugal, na long PNG na long Vietnam. Long dispela as tingting, I luk olsem ol lain belong dispela niupela misen long Vietnam bai kam long dispela ol ples. Igat hop pinis long wanpela long Indonesia. Yumi putim dispela long prea bilong yumi. I gat 3pela Filipino misenari tu I wok autsait long kantri bilong ol. Wantaim dispela ripot, yumi ken lukim olsem dispela 4pela kantri I givim bikpela helpim long sapotim wok misen bilong yumi long arapela kantri.

Namel long lain misenari bilong Asia-Ocena husait I wok autsait long kantri bilong ol, igat sampela husait I kisim sampela skul long sait bilong wok misen long bihain taim: 4pela I kam long India na 3pela long Indonesia. Igat 1pela I kam long PNG na 1pela long Philippines husait I redi tu long go kisim sampela skul. Long dispela eria, igat sampela tu I wok long skul stap long kantri bilong ol yet, tasol ino gat long dispela ripot. Dispela ol skul ol I kisim em long lukluk moa long wok bilong misen long bihain taim na moa yet long wok bilong kamap lida.

Na long sait bilong ol Monfort woklain, igat 60pela lain memba long **India** ol regista , na long **Indonesia** igat 335 memba, long **PNG** igat 32pela memba; na long **Philippines**, igat 99 memba, na antap long dispela namba em ol lain husait I givim ol yet long dispela wok misen. Pasin bilong givim em I bikpela pasin tru insait long laip na pasin (Spirituality) bilong ol Monfortian igo long dispela tupela ples Asia-Ocena husait igat bikpela hungere long kisim tok bilong Bikpela na gro moa long save long laip insait long Spirit bilong God.

PLES NA WOK MISEN BILONG OL

Long sait bilong ol misenari husait I mekim pinis laspela promis bilong ol long Asia-Ocena, em I gutpela long save gut long wanem wok ol I mekim na long wanem ples ol I stap long en.

Long **India**, ol lain husait I mekim pinis laspela promis bilong ol em ol I save stap long Vice Provincial Administrative house, hous bilong skul bilong (minor seminari ect), sampela long haus bilong ol turangu pikinini na long 2pela skul, na kopi gaden. Ol arapela I wok long ol peris. India tu igat Marial Centa we I save wok wantaim laip na misen bilong ol Monfortian. Ol arapela memba tu I save wok long autim gutnius na helpim ol manmeri long sait bilong strongim laip na bilip bilong ol manmeri insait long ol liklik Kristen komyuniti.

Long **Indonesia**, ol I save wok long het opis bilong province bilong ol, na planti I wok long formation eria bilong diosis na long ol peris. Ol I save stap long tupela misenari eria «la Monfort». Dispela grup I save lukautim wok bilong skruim laip na pasin (Spirituality) bilong ol Monfortian we ol I kolim «Kerabat Santo Monfort» (KSM).

Insait long **PNG**, olgeta Monfort I stap na wok long ol peris, maski lida bilong ol tu na adminstrasen bilong PNG delegsen tu em I wok long peris. Dispela em I bikpela samting tu long sapatim wok bilong ol long sait bilong moni. Ol tu igat wanpela niupela formasen haus I stap long Port Mosbi, kapita city bilong kantri PNG. Dispela em I niupela komyuniti ol I bin opim long serim laip na pasin (Spirituality) bilong Monfortian wantaim ol arapela Kristen manmeri.

Long **Philippines**, ol Monfort Misenari I wokim bikpela wok tru long skruim laip na pasin (spirituality) bilong Monfortian igo long ol manmeri. Iगत ol lain husait igo pas long dispela wok, tasol ol arapela Montfort Misenari tu I wok long helpim long dispela wok. Dispela grup I wok bung wantaim olsem wanpela strongpela grup bilong ol laity wantaim trupela komitmen. Arere long dispela tu, igat ol arapela husait I wok long ol fomasen haus, long ol peris na long adminstrasen haus bilong ol lida long Philippines.

Long mekim moa klia em dispela luksave olsem long **India, Indonesia na Philippines, igat sampela misenari I wok long mekim wok misen bilong karim diwai kros bilong ol long wanem ol I sik.** Helpim bilong ol sik memba I save kam long ol komyuniti bilong ol long ples we ol I stap long em. oltaim ol I wok hat long helpim ol sik memba I kisim gutpela helpim long kamap orait gen. Ol I luksave tu olsem Misenari laip I save kam wantaim pasin bilong beten, karim isi tasol ol liklik salense, na amamas long kisim helpim long ol arapela wantaim bel isi.

HAU LONG KIRAP NA GIVIM LAIT I GO AUT

Long Lukluk long namba bilong ol memba, na ples na wok bilong ol misenari long dispela tupela bikpela eria (Asia-Ocena), askim bilong yumi nau em olsem: Wanem kain ol wok bai ol I mas mekim long soim tru olsem laip bilong ol em I karim planti kaikai na I gat minin na I mekim ol I amamas? Dispela I min olsem ol I mas gat wanpela wok I narakain tumas na I givim trupela mining long laip na wok bilong ol.

Long kisim dispela gol, I gutpela olsem olgeta misenari long dispela tupela eria wantaim ol wanwok bilong ol I **mas sanap tru long soim dispela wok ol I laik mekim.** Taim ol I soim dispela spirit long laip bilong ol yet, bai ol givim lait igo long ol arapela lain, maski ol I save long laip na Spirit (Spirituality) bilong Monfortian em I narakain tru, tasol ol mas mekim olsem long stap wan wantaim sios na pipel long ples ol I stap long en.

Olsem tasol «KIRAP NA GIVIM LAIT IGO AUT, OL MONFORTIAN LONG ASIA-OCEANIA», dispela em I het tok bilong dispela yia bilong dispela eria, em ino «bikpela stori» Het Tok yet I bikpela tumas. As bilong dispela «Kirap na Givim Lait igo Aut» em «self-oil» (ritim: self-identity) we olgeta misenari I mas bihainim na wanwok bilong ol I mas bihainim tru dispela pasin. Na dispela lait I mas lait moa yet long ol ples we ol misenari wantaim ol wanwok bilong ol I stap na wok long em pastaim, bipo long em bai lait long olgeta hap bilong dispela tupela eria. «Kirap na Givim Lait igo Aut, Monfortian long Asia-Ocena» em I wanpela strongpela krai, I kirapim bel na bringim ol Monfortian I kam long dispela tupela eria long autim guntinus wantaim trupela na stretpela tingting.

Long kalenda na yia bilong dispela tupela eria, igat sampela gutpela samting I bin kamap inap helpim ol long skelim gut mining bilong het tok: **namba wan samting em opisel openin bilong dispela yia I bai kamap long Manila long Januari 23/2022**, na narapela **asembli long dispela eria bai kamap long**


Malang, Indonesia, long 04th-13 bilong mun Julai 2022 na bai pinisim dispela yia bilong dispela tupela eria long wanpela ples long PNG long Desemba 2022.

Yumi lusim olgeta dispela wok **long spirit bilong Synodality. Em spirit bilong stap gut wantaim, long pasin bilong komunio/komyuniti na wok bung wantaim**, dispela em bikpela tok I bin kamap long Synodality. Hopim olsem olgeta dispela samting inap kamap insait long laip na wok bilong ol monfort misenari na ol wanwok bilong ol long taim bilong redi long mekim wok long yia bilong dispela tupela eria Asia- Ocenia. Dispela em I raitpela taim insait long lotu kalenda, yumi bai stap long namel bilong taim bilong redim na mekim eksen wantaim tingting bilong Synod em long wakabaut wantaim wanpela narapela. «SYNODALITY», Oktoba 2022. Olgeta gutpela toktok na tingting I bin kamap long Synod em I kam long yumi tu long helpim yumi: «Wokabaut Wantaim, serim tok bilong God wantaim long dispela wanpela rot, sios tu bai gro long ol samting em I lukim, na long hau em mas mekim wok long helpim em stap wan wantaim na wok bung wantaim na givim em yet long mekim wok misen».

Nau long pinis bilong dispela pas, yumi bungim lewa na tingting bilong yumi wantaim ol wanwok bilong yumi long Asia na Ocenia long dispela taim we ol I wok long redim ol yet long go insait long rot bilong kirapim niupela we long mekim wok misen bilong ol long dispela tupela eria. Bai olgeta lain manmeri long Asia na Ocenia inap larim God I stap long lewa bilong ol. Bai «Secret of Mary» Inap helpim ol wok bilong redim Kindom bilong Jisas Kraist na Holi Spirit tu bai helpim ol pipel bilong dispela tupela eria luksave gut long dispela wok misen.

Mi wisim yupela **olgeta gutpela taim bilong Atven** sisen bai stat long Nonmba 28th. Atven em I promis, na em I taim bilong weit, tasol moa yet em I taim bilong Hop. Bikos Lord bilong yumi em bin kam pinis na invitim yumi long bihainim em tasol. Yumi hopim olsem dispela misen yia bilong dispela eria inap gro long laikim bilong misenari laip olsem Santu Louis- Marie de Montfort na kamap olsem ol misenari redi long go aut long olgeta hap. Yumi inap soim dispela driman hia long Asia na Ocenia. Em ino hat tu sapos yumi laik putim tok bilong Thomas Merton: «Long Asia, mi hopim long painim sampela samting o sampela manmeri long helpim mi long go het. Mi no save sapos olgeta de bilong mi bai pinis long hia, na em ino impoten tumas, tasol, wanpela bikpela samting true Em long harim singaut bilong GOD na mekim wok em I laikim long mekim». Santu Louis-Marie Grignion de Montfort na Blesed Marie-Louise of Jesus oltaim I pre long yumi olgeta.

Wantaim amamas long nem bilong Jisas wantaim Santu Maria.



Fr. Luiz Augusto STEFANI, SMM
Superior General

Website:

<https://www.montfortian.info/asia-oceania/>